



TE FARE TAUHITI NUI
MAISON DE LA CULTURE

TATA'URA'A 'ĀRERE

TURE A TE TATA'URA'A PĀPA'I E REO

2026

‘ŌMUARA’A	3
1. FA’ANAHORA’A NŌ TE TATA’URA’A.....	3
1.1. TAPA’ORA’A I’OA.....	3
1.2. MATAHITI O TE MAU TINOTATA’U	4
1.3. FA’AHURU ‘E, ‘E ‘AORE RA FA’A’ORERA’A I TE MAU TATA’URA’A.....	4
1.4. TAPURARA’A	4
2. TE TURE O TE TATA’URA’A	4
2.1 TE TATA’URA’A PAPA’I	4
2.2 TE TATA’URA’A ‘ORERO A TE MAU PARAU I MA’ITIHIA I ROTO I TE TATA’URA’A PAPA’I	5
2.3. FA’ATA’ARA’A TA’A ‘E I TE TATA’URA’A PAPA’I ‘E ‘ORERO	6
2.4 TE TATA’URA’A ‘ORERO TA’A ‘E	6
2.5 MA’ITIRA’A I TE MAU PAPA’I.....	7
3. TŌMITE HI’OPO’A.....	7
3.1 FA’ANAHORA’A O TE TOMITE	7
3.2 ‘OHIPA A TE TOMITE.....	7
3.3. FA’ANAHORA’A NOTARA’A.....	8
3.4. ‘ĀPE’ERA’A I TE TOMITE	8
3.5. FA’AOTIRA’A	8
4. TURE NOTARA’A	8
4.1 TURE NOTARA’A NO TE TATA’URA’A PAPA’I.....	8
4.2 TURE NOTARA’A NO TE MAU TATA’URA’A ‘ORERO	9
5. FA’ATURE-‘ORE-RA’A I TE MAU FA’ATA’ARA’A NŌ TE TATA’U	9
5.1. NO TE TATA’URA’A PAPA’I	9
5.2. NO TE TATA’URA’A ‘ORERO	9
6. FATURA’A MANA’O	9
7. FA’AITERA’A I TE MAU TA’ATA I RĒ.....	10
8. FA’ATA’ARA’A HOPE’A	10
PARAU ‘ĀPITI I TE TURE A TE TATA’URA’A PĀPA’I ‘E ‘ŌRERO- FA’ANAHORA’A 2026	11
1. TAI’O MAHANA O TE TATA’URA’A.....	11
2. FA’AOTIRA’A I TE TUMU PARAU	11
3. FA’AITERA’A I TE MAU RE.....	11
4. TE MAU RE I ‘OPEREHIA.....	11

‘Ōmuara’a

Nō te Heiva o te reo ‘e te ta’ere pi’ihia Parau Ti’amā, e fa’anaho Te Fare Tauhiti Nui (parauhia i muri nei « TFTN » ‘e aore rā « te fa’anaho »), turuhia nā te fa’ataerera’a hau nō te ta’ere, i te tata’ura’a pāpa’i ‘e ‘ōrero pi’ihia Ārere.

Te fā a teie nei tata’ura’a, o te fa’atīanira’a ‘e te ha’afaua’ara’a i te fa’a’ohipara’a i te mau reo mā’ohi. O te fa’a’ana’anataera’a ato’a i te pāpa’ira’a mā’ohi nā roto i te hō’ē ferurira’a fa’ati’amā i te parau ‘e te mana’o, fa’a’ana’anatae i te mau ta’ata fa’a’ohipa reo i tē parau nā roto i te mau rāve’a ta’a ‘ē (parau, pāpa’i, ha’uti), e fa’a’ite ‘e, e fa’aparare i te mau pāpa’i ‘āpī o tē haere mai e fa’arahi i te faufa’a tumu tuāparau mā’ohi.

E matara teie nei tata’ura’a i te mau pāpa’i nā roto i te hō’ē o te mau reo mā’ohi a tō Pōrīnetia farāni.

E tai’ohia te mau pāpa’i ato’a i mua i te nūna’a i te roara’a o te tata’ura’a Ārere.

E fa’arē te tata’ura’a Ārere i te mau tāparau ‘e ta’ata ‘ōrero rauutu, o tē nehenehe e tāpa’o i tō rātou i’oa i roto i nā tuha’a ‘e piti ‘e aore rā i roto i te tahi ‘e i te tahi tuha’a.

1. FA’ANAHORA’A NŌ TE TATA’URA’A

1.1. Tāpa’ora’a i’oa

Mea tāmoni ‘ore te tata’ura’a Ārere ‘e, matara o ia i te mau tinotata’u tumu, fānauhia ‘e ‘aore rā e anotupu nō Pōrīnetia farāni.

** E ‘itehia ‘ei anotupu te mau ti’a e noho nei i Pōrīnetia farāni, ‘a pae (5) a’e matahiti.*

Nō te fa’aō i roto i te tata’ura’a Ārere, e tītauhia te ‘api tāpa’ora’a i’oa, e hurihia mai te tahua natirara a Te Fare Tauhiti Nui, ‘e te ‘api parau nō te tata’ura’a.

E nehenehe ato’a e ani atu, nā roto i te ‘īmere, i teie ‘api tāpa’ora’a i’oa i parautiama@maisondelaculture.pf ‘e ‘aore rā, e haere atu e ti’i i te pū ‘Ohipa tāmau a Te Fare Tauhiti Nui.

E ravehia te tāpa’ora’a i’oa i te tata’ura’a ‘ārere nā roto i te fa’ataera’a atu te ‘api tāpa’ora’a i’oa fa’a’ī-māite-hia, ie Te Fare Tauhiti Nui :

- Nā roto i te hō’ē ‘īmere : parautiama@maisondelaculture.pf;
- ‘e ‘aore rā, i te pū ‘Ohipa tāmau a Te Fare Tauhiti Nui.

E tītauhia ‘ia fa’ataehia te ‘api tāpa’ora’a i’oa hou te tai’o mahana hope’a i fa’a’itehia i roto i te ‘api ‘āpiti a teie fa’aturera’a. ‘Ia ‘ore, ‘aita ‘oe e tāpa’ohia i roto i teie tata’ura’a.

E nehenehe te mau tai’o mahana ‘iritira’a ‘e ‘ōpanira’a i te mau tāpa’ora’a i’oa i te tauihia nā TFTN mai te peu e tupu noa atu te tahi mau ‘ohipa ta’a ‘ē ‘e ‘aore rā mana’o-‘ore-hia.

1.2. Matahiti o te mau tinotata'u

E tītauhia 'ia fa'atura te matahiti o te mau tino e 'āpiti mai i te tata'ura'a 'Ārere, i te fāito iti a'e 'e te fāito rahi a'e i muri nei :

Tuha'a	Fāito iti a'e tītauhia	Fāito rahi a'e 'eiaha e hau
Taure'a		
Ārere iti	11	14
Ārere nui	15	17
Mātua		
Ārere ava tau	18	18 +
Ārere tau	18	18 +

1.3. Fa'ahuru 'ē, 'e 'aore rā fa'a'orera'a i te mau tata'ura'a

E 'iritihia te hō'ē tata'ura'a i roto i te mau tuha'a tāta'i tahi mai te peu e tai'ohia e 3 tinotata'u i te fāito iti a'e. Mai te peu 'aita teie fāito e rae'ahia, nā te fa'anaho e fa'aoti e ha'amana 'e 'aore rā 'aita i te tata'ura'a.

Mai te peu e waitāmau te tata'ura'a, e mai te peu e mea iti i te toru (3) tino e 'āpiti mai i roto i te hō'ē tuha'a, 'aita ia te rē mātāmua o te tata'ura'a e hōro'ahia.

Mai te peu e, hō'ē (1) noa ti'a tei tāpa'o i tō na i'oa i roto i te hō'ē tuha'a o te tata'ura'a, e hōro'ahia te rē piti (2) nā na.

Mai te peu e piti (2) noa ti'a tei tāpa'o i tō rāua i'oa i roto i te hō'ē tuha'a o te tata'ura'a, e hōro'ahia te rē piti (2) 'e te toru (3).

1.4. Tāpurara'a

Nā TFTN e fa'aoti i te tāpurara'a o te tata'ura'a i muri mai i te 'ōpanira'a o te mau tāpa'ora'a i'oa, 'ia au i te rahira'a tinotata'u i tāpa'ohia te i'oa. E tītauhia te mau tino e 'āpiti mai e ara 'ia fa'atura i te tāpurara'a hora i fa'aotihia. Mai te peu e tupu noa atu te tahi 'ohipa mana'o-'ore-hia, nā TFTN e fa'aoti e tau anei te tāpurara'a.

2. TE TURE O TE TATA'URA'A

2.1 Te tata'ura'a pāpa'i

2.1.1 Te mau tuha'a tata'ura'a

Nō te tata'ura'a pāpa'i, 'ua ha'amauhia e maha (4) tuha'a, mai te tāparau taure'a 'e tae atu i te mea mātua.

Tuha'a Taure'a :

- Tāparau 'Ārere iti ;
- Tāparau 'Ārere nui.

Tuha'a Mātua :

- Tāparau 'Ārere ava tau ;
- Tāparau 'Ārere tau.

E parauhia Tāparau 'Ārere tau, te ta'ata i nene'i a'ena e piti a'e pāpa'ira'a huru rau, i roto i te mau huru nene'ira'a ato'a, 'e aore rā, o tei pāpa'i i te hō'ē parau tumu nā te hō'ē pupu 'ori 'e aore rā hīmene nō te tata'ura'a Heiva I Tahiti 'e Hura Tapairu, 'e 'aore rā o tē upo'oti'a i te rē mātāmua o te tata'ura'a pāpa'i i roto i te tuha'a Mātua i te hō'ē tata'ura'a 'Ārere nā mua atu.

'Iavaiaara : *Te tāparau o tei tāpa'o i tō na i'oa i roto i te tuha'a Tāparau 'Ārere ava tau, 'e o tē auraro i te mau fa'auera'a a te tuha'a Tāparau 'Ārere tau, e tāpa'o 'āfarohia o ia nā te fa'anaho, i roto i te tuha'a Tāparau 'Ārere tau.*

2.1.2 Huru o te pāpa'ira'a

E tītauhia 'ia auraro te parau pāpa'i i te mau fa'auera'a i muri nei :

- ✓ 'Aita te huru pāpa'ira'a e fa'ahepohia, terā rā 'ia fa'aturahia te tumu parau i mā'itihia nā te fa'anaho ;
- ✓ E tītauhia 'ei pāpa'ira'a tumu nā te ta'ata tata'u iho i pāpa'i, 'aita i nē'ihia 'e, 'aita hō'ē a'e ti'ara'a ;
- ✓ 'Eiaha e pāpa'i i te mau parau tātī nūna'a 'ē 'e rātere 'e 'aore rā i te mau parau fa'a'ino.

2.1.3 Rahira'a tāpa'o tei fāri'ihia

'Ia fa'atura te pāpa'ira'a i te rahira'a tāpa'o iti a'e 'e rahi a'e i muri nei :

	Rahira'a tāpa'o (ma te tai'o i te mau ārea)	
	Fāito iti a'e	Fāito rahi a'e
Taure'a	1000	2500
Mātua	2500	5000

E fa'ari'ihia i te hō'ē haura'a 'e 'aore rā i te hō'ē itira'a i ni'a i te fāito e 10 %.

2.2 Te tata'ura'a 'ōrero a te mau parau i mā'itihia i roto i te tata'ura'a pāpa'i

E 'ōrerohia te mau parau ato'a i mā'itihia i roto i te tata'ura'a 'ōrero.

2.2.1 Te mau tuha'a tata'ura'a

Nō te tata'ura'a 'ōrero, 'ua ha'amauhia e maha (4) tuha'a, mai te 'ōrero taure'a 'e tae atu i te mea mātua.

Tuha'a Taure'a :

- 'Ōrero 'Ārere iti ;
- 'Ōrero 'Ārere nui.

Tuha'a Mātua :

- 'Ōrero 'Ārere ava tau ;
- 'Ōrero 'Ārere tau.

E 'itehia 'ei 'Ōrero 'Ārere tau, te ta'ata i 'ōrero a'ena i roto i te tata'ura'a Heiva I Tahiti 'e 'aore rā Hura Tapairu, 'e 'aore rā o tē upo'oti'a i te rē mātāmua nō te 'ōrero i roto i te tuha'a Mātua i te hō'ē tata'ura'a 'Ārere nā mua atu.

E 'ōrero te tinotata'u i te hō'ē o nā parau i mā'itihia nō te tata'ura'a pāpā'i. E ti'a i te tāparau o taua parau e 'ōrero 'e 'aore rā e mā'iti i te hō'ē ta'ata e 'ōrero.

'Iavaiaara : *Te 'ōrero i tāpa'o i tō na i'oa i roto i te tuha'a 'Ōrero 'Ārere ava tau, 'e o tē auraro i te mau fa'auera'a a te tuha'a 'Ōrero 'Ārere tau, e tāpa'o 'āfarohia o ia nā te fa'anaho, i roto i te tuha'a 'Ōrero 'Ārere tau.*

2.2.2 Te tau o te 'ōrero

E tītauhia 'ia fa'atura te 'ōrero i te tau i fa'aotihia.

E ha'amata te tai'ora'a tau i te taime a ta'i ai te reo mātāmua a te 'ōrero.

Te tau o te 'ōrero		
	Fāito iti a'e tītauhia	Fāito rahi a'e tītauhia
Taure'a	-	2 minuti
Mātua	-	5 minuti

E fāri'ihia te hō'ē fāito hau a'e e 15 tetoni.

2.3. Fa'ata'ara'a ta'a 'ē i te tata'ura'a pāpā'i 'e 'ōrero

Nō te tata'ura'a pāpā'i, e ha'apāpū te tāparau o ia mau te tāparau o te parau i fa'ataehia atu.

Nō te reira, 'aita tā te fa'anaho e nehenehe e mā'iti i te hō'ē parau 'aita e ti'a ia na 'ia fa'a'ite o vai mau te tāparau 'e nō hea roa mai teie parau.

E nehenehe tā te fa'anaho e tītau i te parau ihota'ata a te tāparau nō tē ha'apāpū i tō na ihota'ata.

Hō'ē noa parau tā te mau tāparau tāta'i tahi e nehenehe e fa'atata'u.

E fa'atae atu te tāparau i tā na parau tāpa'ora'a i'oa, 'āpitihiā 'e tā na parau i pāpā'i.

Nō te tata'ura'a 'ōrero i te mau parau i mā'itihia i roto i te tata'ura'a pāpā'i, hō'ē noa parau tā te 'ōrero e nehenehe e 'ōrero.

2.4 Te tata'ura'a 'ōrero ta'a 'ē

2.4.1 Te mau tuha'a tata'ura'a

'Ua ha'amauhia te hō'ē tata'ura'a ta'a 'ē nā te mau 'ōrero e hina'aro nei e 'ōrero i te mau parau nō roto mai i te faufa'a tumu mā'ohi o tei pia 'e 'aore rā o tei 'ōrero-a'ena-hia. O te tuha'a e 'Ōrero 'Ārere ta'a 'ē ia.

E 'ōperehia e maha (4) rē:

Tuha'a Taure'a :

- 'Ōrero 'Ārere iti ta'a 'ē ;
- 'Ōrero 'Ārere nui ta'a 'ē.

Tuha'a Mātua :

- 'Ōrero 'Ārere ava tau ta'a 'ē ;
- 'Ōrero 'Ārere tau ta'a 'ē.

E 'itehia 'ei 'Ōrero 'Ārere tau ta'a 'ē, te ta'ata i 'ōrero a'ena i roto i te tata'ura'a Heiva I Tahiti 'e 'aore rā Hura Tapairu, 'e 'aore rā o tē upo'oti'a i te rē mātāmua nō te 'ōrero i roto i te tuha'a Ta'ata pa'ari i te hō'ē tata'ura'a 'Ārere nā mua atu.

E hōro'a te mau tinotata'u tāta'i tahi, i te taime tāpa'ora'a i'oa, i te parau e 'ōrerohia.

E fa'atura o ia i te mau fa'auera'a a te mau 'irava 1 'e 2.2.2 a teie nei fa'aturera'a.

'Iavaiaara : *Te 'ōrero i tāpa'o i tō na i'oa i roto i te tuha'a 'Ōrero 'Ārere ava tau ta'a 'ē, 'e o tē auraro i te mau fa'auera'a a te tuha'a 'Ōrero 'Ārere tau ta'a 'ē, e tāpa'o 'āfarohia o ia nā te fa'anaho, i roto i te tuha'a 'Ōrero 'Ārere tau ta'a 'ē.*

2.4.2 Fa'ata'ara'a ta'a 'ē i te tata'ura'a 'ōrero ta'a 'ē

Nō te tata'ura'a 'ōrero ta'a 'ē, hō'ē noa parau tā te 'ōrero e nehenehe e 'ōrero.

E nehenehe tā te fa'anaho e 'ore e tāpe'a mai i te hō'ē tinotata'u i pāpa'i i te hō'ē parau i mā'itihia, 'aita rā i noa'a i tē 'ite pāpū i tō na tāparau, nō hea mai o ia 'e nā vai o ia i fa'atae mai.

'Aita e nehenehe i te 'ōrero 'ia tau i te parau i fa'atae-mātāmua-hia mai i te taime 'a tāpa'o ai o ia i tō na i'oa i te tata'ura'a.

2.5 Mā'itira'a i te mau pāpa'i

Nō te mau tuha'a tāta'i tahi o te tata'ura'a Tāparau 'Ārere, e mā'iti te tōmite hi'opo'a e 15 parau, te fāito rahi a'e, nā te tuha'a Taure'a 'e, e nā te tuha'a Mātua.

E anihia i te mau tāparau i te mau parau i mā'itihia mai 'ia 'ōrero 'e 'aore rā 'ia fa'a'ōrero i tā rātou parau i roto i te tata'ura'a 'Ōrero 'Ārere.

Nō te tata'ura'a 'ōrero ta'a 'ē, e tāpe'a-noa-hia e 8 'ōrero i te tuha'a tāta'i tahi mā'itihia 'ia au i te 'āna'ira'a taera'a mai, 'ia au i te tai'o mahana i fāri'ihia te 'api tāpa'ora'a i'oa nā te fa'anaho.

3. TŌMITE HI'OPO'A

3.1 Fa'anahora'a o te tōmite

E mā'iti te fa'atere a Te Fare Tauhiti Nui i te mau mero e vai nei i roto i te tōmite hi'opo'a nō roto mai i te tuha'a o te tuāparau, reo, ta'ere 'e/'e 'aore rā 'aihi mā'ohi.

E 'ohipa tāmoni 'ore te reira nō te tata'ura'a 'Ārere.

3.2 'Ohipa a te tōmite

Te 'ohipa a te tōmite :

- hi'opo'a i te mau 'ōrero 'e e nota atu 'ia au i te 'api notara'a i pāpa'ihia nā te fa'anaho.
E fa'ahepohia o ia 'ia fa'atura māite i te vaihunara'a o te notara'a i te mau 'ōrero a te mau tinotata'u ;
- hōro'a i te mau rē.

E mana hope tō te tōmite hi'opo'a.

3.3. Fa'anahora'a notara'a

E hōro'ahia e piti huru 'api notara'a i te tōmite :

- Hō'ē nō te pāpa'ira'a ;
- Hō'ē nō te 'ōrero.

I roto i te mau tuha'a o te tata'ura'a Tāparau, e mā'iti te mau mero tōmite hi'opo'a i nā parau rauutu e toru (3) o te hōro'ahia te rē mātāmua (1), piti (2) 'e toru (3).

I roto i te mau tuha'a o te tata'ura'a 'ōrero, e mā'iti te mau mero hi'opo'a i te mau 'ōrero rauutu o te hōro'ahia te rē mātāmua (1), piti (2) 'e toru (3).

Nō te tata'ura'a 'ōrero ta'a 'ē, hō'ē (1) noa rē te hōro'ahia i te tuha'a tāta'i tahi.

3.4. Āpe'era'a i te tōmite

Nā te Fare Tauhiti Nui e amo i te ha'amāu'ara'a nō te mā'a a te tōmite i te mau mahana tata'ura'a ('ia au i te tāpura faufa'a i fa'ata'ahia nō te reira).

3.5. Fa'aotira'a

E fa'aoti te tōmite 'ia au i te hō'ē fa'aturera'a nota, i te hō'ē taime e 'ōpanihia i te ta'ata. E nota te mau mero tōmite i te mau tata'ura'a tāta'itahi 'e, e fa'ataehia atu tā na mau 'api notara'a, i tu'urimahia e rātou, i te mau ti'a hi'opo'a o tē huri atu i ni'a i te 'api tata'ira'a 'ia noa'a te nota hope'a.

3.6. Te mau ti'a hi'opo'a

Nā Te Fare Tauhiti Nui e mā'iti i te mau ti'a hi'opo'a. O rātou te mau ti'a'au o te nūmerara'a i te mau 'ai, i ravehia 'ia au i te mau 'api notara'a i fa'a'ihia nā te tōmite.

'E, e fāito rātou i te maorora'a o te mau 'ōrero ato'a, e tai'o i te mau utu'a i 'itehia 'e rātou, 'e te tōmite 'e/'e 'aore rā 'e te fa'anaho.

Nā TFTN e amo i te ha'amāu'ara'a nō te mā'a a te mau ti'a hi'opo'a i te mau mahana tata'ura'a ('ia au i te tāpura faufa'a i fa'ata'ahia nō te reira).

4. TURE NOTARA'A

4.1 Ture notara'a nō te tata'ura'a pāpa'i

Teie te mau ture notara'a nō te tata'ura'a pāpa'i :

Ture notara'a	Tai'o
Ite tuāparau (Hi'ora'a : fa'a'ohipara'a i te mau huru pāpa'ira'a, pu'e ta'o rahi etv.)	35
Fa'a'ohipara'a i te tumu parau (Hi'ora'a : 'Ua fa'aturahia te tumu parau 'e 'ua fa'a'ohipahia i te huru tano 'e fa'ahiahia)	25

Urupu'upu'u nō roto mai i te parau	20
Ōhiera'a o te tai'ora'a (Hi'ora'a : mea maita'i te mau pāpa'ira'a pereota ; e ta'a-maita'i-hia te parau i te tai'ora'a, fa'a'ohipara'a tano o te 'āpapara'a parau, o te papareo 'e te huru pāpaira'a ta'o)	20
TĀATO'ARAA O TE MAU TAI'O :	100

4.2 Ture notara'a nō te mau tata'ura'a 'ōrero

Teie te mau ture notara'a nō te mau tata'ura'a 'ōrero :

Ture notara'a	Tai'o
Huru au / Huru ti'ara'a (Hi'ora'a : Huru ti'ara'a tino, huru tu'ura'a parau, teatara'a parau)	25
Ha'utira'a i te parau (Hi'ora'a : Noa'ara'a i te ta'ata 'ōrero 'ia fa'atae i te poro'i o te parau)	25
Tu'ura'a urupu'upu'u (Hi'ora'a : Noa'ara'a i te 'ōrero 'ia putapū te mau ta'ata e māta'ita'i nei ia na)	25
Tu'ura'a reo (Hi'ora'a : 'Ua tano maita'i te reo, fa'aro'o-maita'i-hia noa atu 'aita i tuōhia, 'ua fa'ahiti-maita'i-hia te mau ta'o 'e 'ua ta'a maita'i i te tā'ato'ara'a)	25
TĀATO'ARAA O TE MAU TAI'O :	100

5. FA'ATURE-'ORE-RA'A I TE MAU FA'ATA'ARA'A NŌ TE TATA'U

5.1. Nō te tata'ura'a pāpa'i

- ✓ Ia fa'atura-'ore-hia te rahira'a iti a'e 'e aore rā rahi a'e o te mau tāpa'o (ma te tai'o i te fāito hau 'e iti e fāri'ihia), e hōro'ahia te hō'ē utu'a e 30 tai'o i ni'a i te tā'ato'ara'a o te mau tai'o.
- ✓ Mai te peu 'aita e noa'a i te fa'anaho 'ia fa'a'ite pāpū o vai te tāparau 'e nā vai i fa'atae mai i te parau, e fāri'i-'ore-hia teie nei parau.
- ✓ Mai te peu e'ere te parau i fa'ataehia atu i te tata'ura'a e pāpa'ira'a ta'ata iho, e'ere i te mea 'āpī roa 'e 'aita e ti'ara'a noa atu te huru, 'e 'aore rā e vai nei te mau parau tati nūna'a 'ē, fāri'i 'ore i te mau rātere 'e aore rā fa'a'ino, 'aita e fāri'ihia.

5.2. Nō te tata'ura'a 'ōrero

- ✓ Mai te peu 'aita te tau hau a'e 'ōrerora'a e fa'aturahia (ma te tai'o i te fāito tau hau 'e iti a'e), e hōro'ahia te utu'a e 30 tai'o i ni'a i te tā'ato'ara'a o te mau tai'o.

6. FATURA'A MANA'O

E fa'ati'a te mau tāparau 'ia fa'a'ohipa te fa'anaho i te mau parau pāpa'i o tē fa'ataehia atu ia na rā nō te piara'a, tāta'ira'a 'e fa'ahoho'ara'a i ni'a i te mau huru papa pāpa'i ato'a, tāireuira 'e aore rā fa'aro'ohi'o i roto i te fanahora'a a te hō'ē fa'atānira'a a te Heiva Parau Tī'amā.

'Aita teie mau fa'a'ohipara'a e fa'afāna'o i te 'aufaura'a i te mau ti'ara'a fatu tāparau.

E fa'ati'a te mau tinotata'u (tāparau 'e 'ōrero) i te fa'anaho i te ti'ara'a nō te fa'a'ohipa i tō rātou pa'era'a, hoho'a pata, hoho'a 'e reo i roto i te parau nō te mau haruharura'a ato'a, ti'ara'a 'e 'aore rā te tahi atu huru fa'atīanira'a nō te tata'ura'a 'Ārere.

E ha'amanahia teie mau parau fa'ati'ara'a nā roto i te tu'urimara'a 'e te fa'ataera'a mai i te 'api tāpa'ora'a i'oa.

7. FA'A'ITERA'A I TE MAU TA'ATA I RĒ

E fa'arē te tata'ura'a 'Ārere e toru (3) tāparau i te tuha'a tāta'i tahi, 'e, e toru (3) 'ōrero i te tuha'a tāta'i tahi, 'e tae atu e maha (4) 'ōrero nō te tuha'a 'Ōrero 'Ārere ta'a 'ē.

E ravehia te fa'a'itera'a i te mau ta'ata i rē i te tata'ura'a 'Ārere 'e te 'ōperera'a rē i te mahana hope'a o te Heiva Parau Ti'amā.

8. FA'ATA'ARA'A HOPE'A

E riro te ōra'a i roto i te tata'ura'a 'ei fāri'ira'a i teie nei ture.

Nā te fa'anaho e fa'aoti i te mau parau ato'a 'aita i fa'a'itehia i roto i teie nei ture.

PARAU ĀPITI I TE TURE A TE TATA'URA'A PĀPA'I 'E 'ŌRERO- FA'ANAHORA'A 2026

1. Tai'o mahana o te tata'ura'a

E tupu te tata'ura'a Ārere, nō te ta'ato'ara'a o te tuha'a tata'ura'a, i te mahana pae 2 nō 'ātopa 2026 mai te hora hō'ē i te avatea, 'e te mahana mā'a 3 nō 'ātopa 2026 mai te hora 8h30 i te po'ipo'i, i roto i te teata rahi a Te Fare Tauhiti Nui.

E ha'amauhia te 'āna'ira'a tata'u 'ia au i te reta mātāmua o te pa'era'a a te ta'ata 'ōrero.

E fāri'ihia te fa'ataera'a parau pāpa'i mai te mahana maha 30 no 'ēperēra 2026 'e tae atu i te mahana mā'a 19 nō tetepa 2026 i te hora 12 i te avatea.

Te mau parau pāpa'i ato'a e tae mai i muri mai i teie mau tai'o mahana, 'aita rātou e fāri'ihia.

E fa'a'itehia te mau parau i mā'itihia nō te tata'ura'a pāpa'i i te mahana pae 25 nō tetepa 2026, tai'o mahana maoro a'e.

Nō te tā'ato'ara'a o te mau tata'ura'a 'ōrero, e nehenehe tā te mau tinotata'u e tāpa'o i tō rātou i'oa e tae roa i te mahana pae 25 nō tetepa 2026 i te hora 12 i te avatea.

2. Fa'aotira'a i te tumu parau

Teie te tumu parau i tāpe'ahia mai nā te fa'anaho : **Ti'aturi.**

3. Fa'a'itera'a i te mau rē

E ravehia te fa'a'itera'a i te mau ta'ata i rē 'e te 'ōperera'a rē i te mahana mā'a 3 nō 'ātopa 2026 i te hora 4 i te avatea, i te hope'ara'a o te Heiva Parau Ti'amā.

4. Te mau rē i 'ōperehia

E hōro'ahia nā te mau tinotata'u pāpa'i i rē i roto i te tuha'a Tāparau Ārere iti, i te :

Rē mātāmua : Tāparau Ārere iti Rē mātāmua

Rē piti : Tāparau Ārere iti Rē piti

Rē toru : Tāparau Ārere iti Rē toru

E hōro'ahia nā te mau tinotata'u pāpa'i i rē i roto i te tuha'a Tāparau Ārere nui, i te :

Rē mātāmua : Tāparau Ārere nui Rē mātāmua

Rē piti : Tāparau Ārere nui Rē piti

Rē toru : Tāparau Ārere nui Rē toru

E hōro'ahia nā te mau tinotata'u pāpa'i i rē i roto i te tuha'a Tāparau Ārere ava tau, i te :

Rē mātāmua : Tāparau Ārere ava tau Rē mātāmua

Rē piti : Tāparau Ārere ava tau Rē piti

Rē toru : Tāparau Ārere ava tau Rē toru

E hōro'ahia nā te mau tinotata'u pāpa'i i rē i roto i te tuha'a Tāparau Ārere tau, i te :

Rē mātāmua : Tāparau Ārere tau Rē mātāmua

Rē piti : Tāparau Ārere tau Rē piti

Rē toru : Tāparau Ārere tau Rē toru

E hōro'ahia nā te mau tinotata'u 'ōrero i rē i roto i te tuha'a 'Ōrero Ārere iti, i te :

Rē mātāmua 'Ōrero rauutu : 'Ōrero Ārere iti Rē mātāmua

Rē piti 'Ōrero rauutu : 'Ōrero Ārere iti Rē piti

Rē toru 'Ōrero rauutu : 'Ōrero Ārere iti Rē toru

E hōro'ahia nā te mau tinotata'u 'ōrero i rē i roto i te tuha'a 'Ōrero Ārere nui, i te :

Rē mātāmua 'Ōrero rauutu : 'Ōrero Ārere nui Rē mātāmua

Rē piti 'Ōrero rauutu : 'Ōrero Ārere nui Rē piti

Rē toru 'Ōrero rauutu : 'Ōrero Ārere nui Rē toru

E hōro'ahia nā te mau tinotata'u 'ōrero i rē i roto i te tuha'a 'Ōrero Ārere ava tau, i te :

Rē mātāmua 'Ōrero rauutu : 'Ōrero Ārere ava tau Rē mātāmua

Rē piti 'Ōrero rauutu : 'Ōrero Ārere ava tau Rē piti

Rē toru 'Ōrero rauutu : 'Ōrero Ārere ava tau Rē toru

E hōro'ahia nā te mau tinotata'u 'ōrero i rē i roto i te tuha'a 'Ōrero Ārere tau, i te :

Rē mātāmua 'Ōrero rauutu : 'Ōrero Ārere tau Rē mātāmua

Rē piti 'Ōrero rauutu : 'Ōrero Ārere tau Rē piti

Rē toru 'Ōrero rauutu : 'Ōrero Ārere tau Rē toru

E nehenehe tā te mau ti'a o te tata'ura'a ta'a 'ē 'Ōrero Ārere ta'a 'ē e fāna'o i te hō'ē rē ta'a 'ē :

E hōro'ahia nā te mau tinotata'u 'ōrero i rē i roto i te tuha'a 'Ōrero Ārere tau ta'a 'ē, i te :

'Ōrero Ārere iti Rē ta'a 'ē

'Ōrero Ārere nui Rē ta'a 'ē

'Ōrero Ārere ava tau Rē ta'a 'ē

'Ōrero Ārere tau Rē ta'a 'ē